

VONDRON'NY KANDIDA 11

Mijoro hatramin'ny farany, mitombo mitombo hatrany ny mpanara-dia

Andavamamba, Mahamasina ny talata teo ary Tanjombato, Mahamasina, ny diabe am-pilaminana nataon'ny vondron'ireo kandida 11 omaly. Namafisin'izy ireo nandritra izany fa mijoro hatramin'ny farany izy ireo, hatramin'ny fandresena dia ny hivalian'ireo fitakiana natao ka haha-marina sy hampangarahara ny fifidianana hatao. Mitombo miha-mitombo hatrany ihany koa ny mpanara-dia azy ireo. Raha ny omaly, nisy ny diabe avy any Tanjombato, fa nisy koa ny fanentanana mialoha teo Mahamasina, nafanain'i Bodo, Princino, Mamy Be, Elidiot, Belahy,...



bato, saingy tonga mialoha nandamina ny mpitandro filaminana. Nanambara ireo mpitarika, fa hitohy hatrany ny hetsiky ny vondron'ny kandida ary mbola miantso ireo rehetra tratry ny tsindry hazo lena tamin'ny fitondrana Rajoelina izy ireo, hanatevina ny tolonga. Fantatra izao, fa mety hanatevina ny hetsika koa ny mpianatry ny Oniversite.

Isambilo

Ny Valosoa sy fakafaka Rajoelina sy ny ekipany Mikatsaka hatrany ny hitomboan'ny olona azony badoina

Kendrena sy katsahina hatrany ny hampahantra ny vahoaka Malagasy, mba hahafahana mifehy sy mi-baiko ary manazioga azy. Noezahin-dRajoelina sy ireo mpiray petsapetsa aminy izany, indrindra tano anatin'ny dimy farany izao. Efa nataony io nandritry ny tetezamita, fa mbola ezahiny tohizana mihitsy amin'izao fotoana izao. Ny tombontsoa ho azy, dia izao iaraha-mahita ankehitriny izao. Azo vidim-bola sy baikoina amin'izay itiavany azy, ka na hihantsy ady sy hamono ny mpiray tanidrazana aza, dia tsy olona, fa ny tanjona tsy maintsy tratararina. Iaraha-mahita tsara ny ankamaroan'ireo olona ampisainy isan'andro hanao sotasota sy hihetraketraka hoe avy aiza avokoa izy ireny sy tanàna niaviany ary sokajin'olona manao ahoana? Olona tsy afaka hisaina sy hieritreritra, fa hoentina any amin'ny lavaka manganitsonkitsoka anie ilay firenena, ka hatao gisitra tanteraka miohatra amin'ny hafa. Dia izao rambony izao ilay firenena, tsy haka lavitra fa aty amin'ny Ranomasimbe Indiana fotsiny. Na ny Nosy Kaomoro aza efa hihotra lavitra antsika, nefa vao firy taona monja izay no mbola taoriantika izy? Ireo olona ireo dia ilay nampitoerina amin'ny toerana tian'ireo mpi-baiko azy mihitsy ka tsy afaka hisaina izany sy hivaky loha na kely aza, fa karama amin'ilay vola kely tsy mahavita firy akory no masaka ao an-dohany. Hitomoe-poana aza atao isan'andro mainka fa misy manome vola kely? Nampahantrana hatrany amin'ny saina ihany koa, fa tsy afaka firy tamin'ny fianarana hany ka mora ny manabado azy. Izay ilay ampahany amin'ny vahoaka malagasy, lasa olona hoan'ity firenena ity. Firenena izay katsahina atao varo-boba amin'ny mpanao politika maloto mpitondra frantsay amin'izao fotoana izao. Tsy misy adihevitra, fa ny fandrotsahana an-dRajoelina kandida sy ny fikatsahana amin'ny fomba rehetra ny fampandaniana azy, dia tena famarotana ny tanindrazana amin'ireo Frantsay ireo tsotra izao. Satria tsy maintsy hitady izay hampitomboina hatrany ny tombontsoa gohany eto, ankoatra izay efa eo ampelatanany nandritry ny taona maro ireo Frantsay ireo, ary fitaovana mahomby amin'izany Rajoelina sy ireo mpomba manara-dia azy amin'izao fotoana izao. Ny olona mizaka ny zom-pirenena frantsay dia voafatotra tsy maintsy manao izany na tiany na tsy tiany, fa resabe famitaham-bahoaka fotsiny ny ankoatra izay. Irety karazan'olona sambara tery aloha ireo no tsy mahatakatra izany satria nohabodiny ireo. Mora kokoa ny mitondra firenena amin'izay tiana anaovana azy, rehefa miha-mitombo isa ny bado sy tsy afaka hampiakatra ny haavo lentan'ny fisainana sy ny fomba fiheverana. Tsy maintsy sakanana amin'ny fomba rehetra ihany koa anefa izany tranga mampidi-doza ny firenena izany. Soa fa misy ireto vondron'ny kandida 11 miaraka amin'ireo solombavahoaka manohana sy miara-dia amin'izy ireo ireto amin'izao fotoana izao. Any sisa no isian'ny fanantenana ho an'ny olom-pirenena maro.

Sôh'son

Antenimierampirenena

Tadiavina haongana koa Christine Razanamahasoa

Araka ny vaovao voaray, tadiavin-dRajoelina sy ny forongony haongana indray koa ny filohan'ny Antenimierampirenena Christine Razanamahasoa. Ny talata alina lasa teo, tao aorian'ny fahavitany ny fotoan-panokafana ny fivoriana ny Parlemanta dia ny Antenimierandoholona sy ny Antenimierampirenena, nantsoin'ny Andry Rajoelina maika teny amin'ny Arena Ivandry ireo depiote izay efa vitsy an'isa miara-dia aminy. Voalaza fa voaresaka tamin'izany ny hanonganana ny filohan'ny Antenimierampirenena, tsy mahazaka ny filazana ny marina ry Rajoelina sy ny forongony, ka tadiaviny hailika avokoa izay milaza ny marina sy manakiana azy ireo ireo mpiara-dia na niara-dia tamin'ny. Raha tsiahivina nandritra ny fotoan-panokafana ny fivoriana ara-potoana faharoan'ny teny Tsimbazaza ny talata teo, miantso ny hirosoana amin'ny fifampiresahana an-databatra boribory ny filohan'ireo



Ny filohan'ny Antenimierampirenena, Christine Razanamahasoa.

depioye Christine Razanamahasoa. Arak'izany, nivoaka tamin'ny fahanginany ity Filohan'ny andrimpanjakana ity, manoloana ny toe-draharaha mafampana eto amin'ny firenena ankehitriny. "Mba hialana amin'ny patsa iray tsy omby vava aoriana any, satria tsy misy mahafantatra ny ho avy isika dia aleo misoroka toy izay mitsabo. Ny Soatoavina mampivavaka antsika Malagasy dia ny FIHAVANANA, ka tsara ny miroso amin'ny fifanatonana ampianjara sy ampilaminana ary ampahendrena. Tsy midika resy na ambany ny manatona ary tsy midika resy na diso ny miaiky ny tsy mety natao. Zon'ny tsirairay ny maneho hevitra ankalalahana tsy misy teritery. Ny zon'olombelona rahateo dia manameloka ny fampiasan-kery. Koa noho izany dia atsaharo ny fampiasan-kery sy ny fihantsiana hita etsy sy eroa, fa tsy mahaso ny firenena. Ilaina amin'ny vanimpotoana misy eto an-tanindrazana izao ny FIFAMPIRESAHANA AN-

DATABATRA BORIBORY, mba hamahana ny olona sy ny disadisa eo amin'ny tsy mitovy hevitra," hoy izy. Tamin'ny lahateny tamin'ny teny Frantsay kosa no nilazany ireo olona fototra misy eto amin'ny firenena amin'izao dia ny tsy fanajana ny lalampanorenana, ny fitanilan'ny HCC, ny momba ny CENI, ny tsy maha-aradalana ny fitondran'ny gvernemanta amin'izao ny fitantanam-pirenena, ho filoha mpisolo toerana vonjy maika, ny fironana misy eto amin'ny mpitandro filaminana. Momba ny fanokafana ny fivoriana ny Parlemanta ny talata teo io, tonga maro ny Masoivoho avy amin'ny fianakavianambe iraisam-pirenena teny Tsimbazaza, tsy tonga kosa izy ireo ny tolakandro teny amin'ny Antenimierandoholona Anosikely. Midika fa tsy ankasitran'izy ireo ny karazana fandrombaham-pahafana nataon'ny Jeneraly Richard Ravalomanana etsy Anosikely.

Stefa

Mpianatry ny Oniversite avy amin'ny faritra 23

Manome 72 ora ny fitondrana hamahana ny olany

Nanao fanambarana ny mpianatra eny amin'ny Oniversiten'Antananarivo omaly teny Ankatso. Nambaran'izy ireo nandritra izany, fa tsy tokony hampiasaina hanaovana politika ny eny Ankatso, toy ny nanaovana propagandy, satria na izy mpianatra aza tsy afaka mampiasa izany. Ankoatra izany, manome 72 ora ny fitondram-panjakana izy ireo hamahana ireto teboka manaraka ireto, mangataka : -Ny hipetrahana haingana



Solontenan'ny mpianatry ny Oniversiten'Antananarivo, nitafa tamin'ny mpanao gazety omaly.

amin'ny trano vaovao eny Ankatso 2. -Ny fanamboarana ireo trano may na eny Ankatso na eny Vontovorona. -Ny famahana ny olona tsy mampandeha ny fampianarana eny amin'ny

Anjerimanontolo. -Ny fanatsarana fotodrafitra rehetra eny amin'ny trano fonenan'ny mpianatra ary ny fitadiavana vahaolana mahakasika ny tsy fandriampahalemana eny an-toerana. -Tsy eken'izy ireo ny tsy fanajana ny faritry ny Oniversite. -Angatahan'izy ireo ihany koa ny famahana ireo olona misy eto amin'ny firenena, izay misy fiantrakany eo amin'ny ho avin'ny mpianatra.

Isambilo

PRIERE AU SACRE CŒUR image of Jesus text: Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen. Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues. Fanja R.